

BE.248. SALELENG HO DI TANO ON (A=1)

=====

B.E. 248. SALELENG HO DI TANO ON

1. Saleleng ho di tano on Patigor ma roham
Paingotingot ma tongtong Nidok ni Debatam
2. Sai songon hau na denggan do Ramos parbue ni
Bulungna pe na uli do Antong sai tiru i.
3. Godang do hinauli ni Aek mata i tongtong
Pasuman ma dirim tusi Sai baen roham sintong
4. Bolongkon sian rohami Luhut na so ture
Alai na sian Tuhan i Ramoti ma sude.
5. Sai tiru Tuhan Jesus i Naung ro humophop ho
Pambaenna nang hataNa i Hangoluanmu do.
6. Ibana do padomu ho Tu Tuhan Debata
MudarNa diusehon do Di dolok Golgata.
7. Arga do hita sasude Ditobus Jesus i
Ai naeng mangolu hita be Di adopanNa i.
8. Antong ringgas ma hita be Mangalo dosa i
Tahangoluhon ma sude Na sian Tuhan i.